

Dr. Zothanliana

(Hei hian a kawhzawn bik tak chu – Single teacher school, two teacher school leh School tê tham deuh a, School head-in class hrang hrang zirtir a ÷ul sina hmuna a mawhphurhna (role) kawng hrang hrangte a ni. A tlangpuiin heng school-ah hian zirtirtuten an tih tur leh mawhphurhna, an huang chin (context), hmanraw neihte leh hun hman zai dan an hre fuh lo deuh ÷hin. Chutiang a nih avang chuan zirtirtute chu class pakhat aia tam, ÷ha tak leh sâwt taka zirtir an thiam theih nâna kaihhruai an ngai êm êm a ni)

SAWIHAWNNA

Multigrade tih hi ÷henkhat tan chuan thil hriat sa a nih laiin, a awmzia hre chiah lo pawh awm theih a ni a, chuvangin tawi fel takin han sawi fiah dawn ila. Multigrade hmanga zirna hmunah chuan naupang pawl inang lo, kum pawh inrual lo, thiamna leh theihna chi hrang hrang neite hmun/class khatah awm khawmtirin, an thiamna leh an tawnhriat chi hrang hrang – zir thiamna, thluak ÷ha leh chak – bakah khawtlanga tel leh khawsa ve tura thiam leh hriat ngai te hrethiam tura zirtir leh kaihhruai an ni. Chutianga zirtir ÷hin chuan multigrade zirtirna a takin an hmang a ni. Multigrade teaching hian zirtirtu, zirlai leh nu leh pateah inkungkaihna ÷ha tak a siam a, chu chu a ÷hatna laimu pakhat a ni. Zirna in leh Classroom chu mi chi hrang hrang awm khawmna a nih avangin chhungkuaa inlaichinna ang maiin inlungualna a awm thei ÷hin a, zirtirtute leh zirlaite pawhin mawhphurhna an neih ang ang hlenchhuak turin ÷an an la nasa ÷hin.

Multigrade kalphung hian a remchan dan dana naupang dahkhawm leh pawl hrang hranga zirlaite awm khawmtir ngawt hi a tum a ni lo. Kum leh pawl inang lo awm khawmtir hi zirtirtuin tangkai takin a hmang thei a, thiamna leh theihna hrang hrang naupangin an neihte chu zirtirtuin a chhawr thei hle a ni. Naupang upa lam deuhthe chu an naute kaihruaitu leh, a châng phei chuan zirtirtu dinhmuna an din hial châng a awm a, an naute enkawltu tha tak an ni thin. Tin, zirlai naupang deuhthe pawhin an ûte nungchang leh chezia entawnin, hma an sawn thei a ni. Puitlingin naupang a kaihhruai hi a that rualin, naupang upa zawk, fel siin anmahni aia naupang an kaihhruai hi a that zawk châng a awm fo. Anmahni an inhre Chiang a, an rilru a inpawh bawk a, duhzawng leh mamawh inang tlang deuh an nih avangin an inhrethiam bik a, chu tak chu hman tangkai theih a tha a ni

Multigrade classroom chuan classroom pangngai aiin thâ a heh a, ruahmanna mumal tak, thawh hona tha leh tih dan tha bik a awm a ngai a, chutiang tel lo chuan a hlawhtling thei lo. Inruahmanna hun thâwl tha neih theih a ngai a, ruahmanna mumal lo leh thawktu inthlahdah chuan hlawhchhamna a ken tel tlat avangin multigrade classroom hi inbuatsaihna leh ruahmanna tha tak nen enkawl a ngai a ni. Hetiang taka lian hi chona hmachhawn tur ni mah se, a thatna lam hmuh tur eng emaw zat a awm a, chu tak chu zirtirtu leh School Head chuan an hmuh thiam a ngai a ni. Classroom pakhata pawl hrang hrang zirlai an awm khawm avangin zirlaite chuan hmachhawn tur an ngah zual a, churang chuan an thluak hman a ngaih nasat phah a, hmasawna tur hun remchang an nei tha a ni. Thingtlang lama multigrade classroom hi khawpuia school tha tak taka mumal taka anmahni pawl theuhva naupang dahhran thap nen chuan a inang lo viau a, kalpui a nih dan pawh zirtirna leh zirna kalphung pangngai nen a inpersan deuh thin. Naupang an tlem deuh zawk avang hian an inhrethiam tawn a, an inzah thiam a, midang an ngaipawimawh thiam a ni. Zirlaite chu zirtirtuin a hriat chian bawk avangin an inkungkaihna pawh a tha viau zel.

Multigrade classroom-ah chuan a rualin thil chi hrang hrang tih fo a ngai lo thei lo va, chutiang hunah chuan classroom kaihhruai dan mumal tak neih a ngai a, chu chuan hun hman dan pawh awmzia a neihtir dawn a ni. Zirlaite hian classroom chhunga inkaihhruai dan tur Chiang taka an hriat a, thuthlûkna siam kawngah tel vena an neih phei chuan inkaihhruaina an zawm duh bik thin a, chuvang chuan, multigrade classroom hlawhtling taka kalpui thei tur chuan naupangte pawhin mawh an phur thui hle.

ACTIVITY 1

Multigrade i hriatthiam dan leh i tawnhriat han ziaak teh	
Multigrade ka hriat dan	Multigrade chungchanga ka tawhhriatte
_____	_____
_____	_____

MULTI-GRADE TEACHING THATNATE:

Mi tam tak chuan multigrade zirtirna hi school pangngai aia tha lo zawk turin an ngai a, loh theih lohah chauha hman tur niin ngaih dan an nei. Amaherawhchu, khawvel hmun tam takah chuan an duhthlan ber (first choice) a ni tlat thung. A chhan chu:

1. Hmun harsa zawk leh tlawhpawh loh zawka awm naupangten zirna chu naupang an nih anga an dawn ve ngei tur a nihzia a hriattir a, an zir tur leh an zir châk zir theihna hun a siamsak.
2. Zirna in pangngai ban phâk ve lote tana zirna tur remchang siamsaktu a ni.
3. Zirlaite chuan an zirlai puite hnen aţangin thil tam tak an zir a, thawh hona boruak tha a siamin intihsiakna thianghlim a neihtir a, midang kaihhruai thiam a zirtir bakah midang nena thil inţawm an thiam pah bawk a ni.

4. Multigrade zirtirtu chuan chona hmachhawn tur a neih nasat bik avangin inbuatsaih nasat leh ruahmanna siam thiam a ngai zual a, zirtirtu tuaihriamna pawimawh tak a ni.
5. Zirtir dan kawng hrang hrang hman a ngaih avangin naupangte pawhin ngaihtuahna an hmang nasain anmahni irâwm chhuaka thil tih ÷ul châng a tam a, chu chuan inrintawkna a siam.

MULTIGRADE KALPUI DAN KAWHHMUH

School zawng zawng tana ÷ha ber kaihhruaina hi a duanchhuah theih loh va, School-ah zirlai leh zirtirtu chi hrang hrang an awm a, school awmna hmun leh dinhmun a inang lo hlawm êm êm bawk. Hetiang a nih avang hian kan school mamawh leh school tana ÷ha chu a hmuna awmchilh zirtirtu leh school head-te hriat tur a ni a, chutiang hre thei tur chuan inpek a ngai. Hmasawn duhna thinsung, thil thar hriat belh duhna, mahnia ngaihtuah chhuah ve tumna nei mi nih hi a pawimawh êm êm. Midanga inngah lutuk chuan kan school tana ÷ha kan ngaihtuah chhuak thei lo vang. Hetah hi chuan School hotu (Leader) berin an school-a Multigrade teaching a kalpui dan tura kaihhruaina leh tih dan ÷ha chauh tarlan a ni ang:

1. Zirtirtu indaih lohna phuhruk thei, pawn lam a÷anga min ÷anpui thei an awm hlauh chuan hman thiam a ÷ha hle. Naupang zinga a lian leh upa lam deuhthe pawh hman ÷angkai thiam tur an ni a, an theih tâwk ang tih tur pek thiam a ÷hain, midang kaihruai thei tura chher an ngai.
2. Classroom an enkawl danah zirtirtute zalenna pek thiam a ÷ha a, khauh lutuk lovin, mahni remhriatna hmang thei tura khuahkhirh lutuk loh a pawimawh.
3. Classroom chhunga mi chi hrang hrang awm khawm kha hman ÷angkai thiam a ngai a, chu chu thil har tak a ni. Amaherawhchu, heng harsatna tak

hi min tihnualtu ni lovin, keimahnia (zirtirtute) thiamna leh theihna awm lanchhuahtirna remchang tak a ni zawk tih hriatthiam a ngai.

4. Hun hman thiam leh daihzai taka hman theih hi thil t̄ul tak a ni. Room chhunga pawl inz̄at lo naupang awm khawmte tana an zir tur leh an ngaihven tur thil chi hrang hrang lakkhawm a, an buaina tur tawk t̄heuh zirlai chhawp chhuahsak thiam tur chuan hun hman thiam a ngai êm êm a ni.
5. Multigrade school nih avanga hniam bik, awmna kilkhawr bik leh t̄ha lo bik nia inngaihna neih loh tur a ni a, zirtirtute pawh chutianga inngaih hniamna rilru an put loh theihna tura fuihtu nih a ngai. Tin, kilkhawr lutuk anga inngaih hi a t̄ul lo. Tunlaih chuan thingtlang hmun kilkhawr ber nia langah pawh Mobile phone leh internet hman tur a awm tawh a, hengte hi zirna atan hman t̄angkai tur a ni.
6. Zirtirtuten pawl an t̄hen dan te, naupang an awm kh̄awmtir dan te, zirtirna atana an hmanraw hman tur te, zirpui an tum dan (plan) te, tih tur (activity) hrang hrang an tihpui turte enpui a, kaihhruai tur a ni. A t̄ul anga siamremsak emaw, thlaksak emaw, a dang kawhhmuh emaw te pawh a t̄ha ang.
7. Curriculum siamrem leh Lesson Plan mumal tak siam hi School Head leh Zirtirtute mawhphurhna lian tak a ni. Hmun danga zirlaite zir ang kan nauten an zir loh bik emaw, an zir tlem bik emaw hi a nih dan tur a ni lo. Chutianga mumal tak leh hl̄awk taka zirtir thei tur chuan inbuatsaih a ngai a, zirtirna t̄anpuitu (TLM) lamah t̄an lak nasat a ngai zual a, tin, Lesson Plan, Week/Month/Term/Entry/Semester Plan mumal tak neih a ngai.
8. Zirtirtute hian inbuatsaihna hun t̄ha tak an neih theihna turin ruahmanna siam a ngai a, a t̄ul anga enpui/thawhpui an ngaih chang a awm a, a zawng a za erawh chuan tih loh a t̄ha.

9. Zirtirtu kan neih ang chhun chhunte hman ʔangkai thiam a ʔul hle a, an theihna leh thiam bikna hriatsak pawh a ʔha. An thiamna leh dinhmun inan lohna lai tak hi hmang ʔangkaia inzir tawn nân hman a ʔha hle.
10. Zirtirtu pakhat tan classroom pakhat chhunga awm rei theih hi a ʔha a, mumal taka period inthlak a rem ve loh avangin hun rei zawk inpek hi a ʔha. Tin, inthlak chhen leh insiamrem hian hun a heh ve baw ʔhin avangin multigrade class-ah chuan a subject zawnga kalpui hi a remchang duh deuh. Chumi awmzia chu naupangten anmahni zirlai taw ʔheuh khâ subject-a an zir khan zirtirtu tan a awlsamin naupangte pawh an inpui tawn thei zawk.
11. School nena inkungkaihna nei zawng zawng hnenah school kalpui dan (system) chungchang chiang taka sawi a, hrih fiah a ʔha a. Zirtirtute pawhin nu leh pa bulah zirna an kalpui dan sawi fiah thei se a ʔha a, an duh phawt chuan a taka an en theih tura inhawn pawh a ʔul a, thurâwn lak theih pawh a pawimawh hle baw.

ACTIVITY 2

Headmaster ka nih anga ka mawhphurhna nia ka hriat leh Multigrade ka lo kalpui tawh dan leh kalpui zêl ka tum dan		
Ka mawhphurhna	Ka lo kalpui tawh dan	Kalpui ka tum dan
_____	_____	_____
_____	_____	_____

STRATEGY

Zirtirna kalpui dan tur atana ruahmanna (Strategy) ʔha tak siam theih a ʔha a, a hnuaia kaihruaina tarlante hi kaihruaitu atan a hman theih ang:

- Strategy 1:** Classroom pakhat awmte chu hmaih bik nei loin zirtir vek tur an ni a, ngaihsakna inang an dawng theuh tur a ni.
- Strategy 2:** Pawl pakhat i zirtir lain, pawl dangte tan an tih tur siamsak la; theme zawnga kalpui theih a nih pheh chuan a remchang duh hle.
- Strategy 3:** Subject pakhat, entir nân: Science, hi pawl zawng zawng zirtir ni se, an pawl mil tawz zela zirlai a harsat dan (level of difficulty) erawh ngaihtuah reng chungin an tih tur ruahmansak thin tur a ni.
- Strategy 4:** Naupangten mahni leh mahni an inzirtir theih dan tur te, kum inûpat hleih leh pawl insan hleih an inzirtir theih dan tur te pawhin ruahmanna siam rawh. Naupangten an zir ho hian an thiam hma bik deuh châwk a, chuvangin peer learning hi hmang tangkai ang che.
- Strategy 5:** An thil zir leh an nitin nuna an thil tawn inkungkaih theih dan ngaihtuah rawh. Zirlaibuah chuan lesson indawtin a awm ngei mai a, mahse a hun leh hmun mila zirtirna kalpui chu a sâwt zawk thin avangin hun leh thil thleng mila inherrem theih a tha.

TLANGKAWMNA

School tam takah zirtirtu indaih tâwk loh a ni a; indaih deuhna hmunah pawh dam lohna avangte, zin bo avang leh chhan dang dang avangin indaih loh chang a awm thin. Chuvangin zirtirtute tan chuan multigrade teaching hi hman thiam a pawimawh khawp mai. Headmaster ngat pheh chuan zirtir thiam mai bâkah zirtirtute kaihhruai theih a tûl lehngal a ni. Naupang rual khat pawh an inang vek lo va; pawl hrang hrang ho khawm a, zirtir tur chuan kan sawi tâkte bâkah midangte leh mahni tawnhriat ngei a tang tea inzir zêl pawh a pawimawh hle. Inbuatsaihna tha te, thutthleng rem dan te, tih tur ruahman te, naupangte hman tangkai thiamte a pawimawh hle bawh. Multi-grade teaching atan hian naupangte

chu mahnia inzir (self-learning) leh zir thei tura zir (learning to learn) kawngah kaihhruai an tûl zual a ni.

References:

Feng, J. (1994). Issues and trends in early childhood education. Unpublished manuscript. (ERIC Document Reproduction Service No. ED 372 841)

Fox, M. (1997, April). Strategies for developing multi-age classrooms. Paper presented at the annual convention of the National Association of Elementary School Principals Association, San Antonio, TX.

Goodlad, J.I., & Anderson, R.H. (1987). The nongraded elementary school (Rev. ed.). New York, NY: Teachers College Press.

Hallion, A.M. (1994, March). Strategies for developing multi-age classrooms. Paper presented at the annual convention of the National Asso.

Katz, L., Evangelou, D., & Hartman, J.A. (1990). The case for mixed-age grouping in early education. Washington, DC: National Association for the Education of Young Children.

Marshak, D. (1994, March). From teachers' perspectives: The social and psychological benefits of multi-age elementary classrooms. Paper presented at the annual conference "Emerging Images of Learning: World Perspectives for the New Millennium," Chicago, IL.

Leading teaching in small, multi-grade school

McClellan, D., & Kinsey, S. (1996). *Mixed-age grouping helps children develop social skills and a sense of belonging. The Magnet Newsletter on Mixed-Age Grouping in Preschool and Elementary Settings, 5(1), 1–3.*

Miller, B.A. (1996). *A basic understanding of multi-age grouping. School Administrator, 53(1), 12–17.*

Nye, B. (1993). *Some questions and answers about multi-age grouping. ERS Spectrum, 11(3), 38–45.*

Ridgway, L., & Lawton, I. (1969). *Family grouping in the primary school (2nd ed.). New York, NY: Agathon Press.*